



茅山志道山冊第五篇卷之第六

上清嗣宗師劉

大彬

造

道德經五千文

按登真隱訣隱居玄老子道德經有玄師楊真人手書張鎮南古本鎮南即漢天師第三代系師魯魏武表為鎮南將軍者也其所謂為五千文者有五千字也數系師內經有四千九百九十九字由來關一是作三十幅應作廿幅蓋從省易文耳非正體矣宗門真蹟不存今傳五千文為正本上下二篇不分章

上清大洞寶經篇目

上清大洞高上三十九章經

上清金真玉光經

上清八素真經



上清九真中經

上清金根玉經

上清躡行七元經

上清七十四方經

上清三天正法經

上清黃炁陽精經

上清青童內文經

上清金闕靈書經

上清紫度炎光經

上清三九素語經

上清三元玉檢經

上清石精金光經

上清丹景上道經

上清神洲經

上清三圖經

上清九赤班符經

上清消魔智慧經

上清曲素訣辭經

上清白羽黑翻經

上清素奏丹符經

上清金璫玉珮經

上清龜山六籙經

上清玄紀九霄經

上清四十四方經

上清太霄琅書經

上清石景水母經

上清太微黃書經

上清豁落七元經

上清洞玄大有經

上清金帝真符經

上清神帝真符經

上清神慧高玄經

上清丹章綠字經

上清五晨金華經

上清金房度命經

上清太丹洞房經

上清黃老迴元經

上清高元真法經

上清高上五老經

上清朝禮上仙經

上清玉晨五老經

上清解胞胎上經

上清鎮五藏上經

上清太帝大有經

上清太真求仙經

上清大洞守一經

上清三洞混化經

上清四真內神經

上清六陰洞微經

上清元始應化經

上清九丹上化經

上清洞神經

上清步罡經

上清道君王註經

上清太上始青經

上清智慧消魔經

上清太微金簡經

上清三天正法經

上清太上迴元經

上清高上曲素經

上清帝君九陰經

上清步虛玉章經

上清金玄羽章經

上清黃書高上經

上清太上九晨經

上清玉景大元經

上清黃炁陽精經

上清玉景金書經

上清紫精洞房經

上清示始鳳文經

上清五帝鬱冥經

上清素靈童丹經

上清三五元籙經

上清太上龍躡經

上清法誠玉章經

上清金母求仙經

上清三元浩篇經

上清太陽七精經

上清四極明科經

上清五老真文經

上清日丹精華經

上清赤書玉訣經

上清洞景金元經

上清靈素上篇經

上清大乘妙林經

上清无上真藏經

上清八素太丹經

上清黃庭二景經

上清黃庭養神經

上清玉京山妙經

上清太極秘要經

上清道君守三元真一經

上清道君守丹元上經

上清金闕守三元真一經

上清皇人守三元真一經

上清太極錄景經

上清青芽始生經

上清大洞寶籙篇目

上清二十四高真玉籙

上清曲素訣解籙

上清羽童籙

上清洞真籙

上清元始譜籙

上清上元籙

上清中元籙

上清下元籙

上清玉檢籙

上清神虎真符籙

上清金虎真符籙

上清素奏丹符籙

上清瓊宮秘符籙

上清內思上法籙

上清五帝籙

上清三天正法籙

上清黃書八素籙

上清八景晨圖籙

上清洞真八景籙

上清龜山元籙

上清龜山元命大籙

上清龜山真符籙

上清洞真八威籙

上清台龍籙

上清攝山精圖籙

上清七元上符籙

上清太玄籙

上清流金火鈴籙

上清回車畢道籙

上清徊風合景籙

上清三籙蓬萊版札高上真書

上清大洞寶籙請法詞

衆真所著經論篇目

元始天王紀

上清高聖太上王晨大道君紀

太微天帝君紀

三天列紀

青童道君紀

摠真主錄紀

清虛真人王君內傳 弟子南岳魏夫人撰

太元真人茅君內傳 弟子中候仙人李遵字安林撰

魏夫人傳

楊真人傳

許真人傳

仙人許遠游傳 李遵撰

蓬萊都水監陶真人內傳 薛羅孺子賈嵩撰

華陽隱居陶先生本起錄 從子翊字木羽撰

陶先生小傳 吳興謝澹永明年撰

梁茅山貞白先生傳 唐李渤撰

周真人傳 隱居撰弟子周子良事行

王晨觀石本加句天童經 宋大觀三年道者梁悟真受

崇壽觀註本清靜經 宋宣和進士常州戴炳獻註

學苑一百卷 以下隱居在世所著書

孝經論語集註并自立意十二卷

三禮序并自註共一卷

註尚書手詩序一卷

老子內外集註并自立意四卷

抱朴子註二十卷

三國志讚述一卷

卅語關字二卷

續卅說二卷

十筮要略一卷

古今州郡記三卷

竿數藝術雜事一卷

登真隱訣二十四卷 以下隱居在山所著書

真誥十卷

草堂法師傳一卷

本草集註七卷

藥捻訣二卷

肘後百一方三卷

効驗施用方十卷

合丹節度四卷

夢記一卷

鍊化雜術一卷

太清玉石丹藥集要三卷

太清諸草木方集要三卷

服雲母諸石方一卷

服餌方三卷

靈竒秘奧一卷

消除三尺諸要法一卷

隱居集一卷 昭臺弟子傳霄編江摭序

陶先生文集三十卷

陶先生內集十五卷

周氏玄通記四卷 隱居集進弟子周子良感序

易摭十五卷 王法主撰

脩真秘旨十二篇 以下司馬真人所著書

坐忘論一卷

天隱子八篇

周易義略三篇 以玄靜先生所著書

老莊學記三篇

內學記二篇

本草音義二卷

三玄異同論

道學傳二十卷

道覺論 隱六馬撰

右道山冊一卷古文真經相傳品目如上  
雜著等書采之隨唐經籍志悉无存本

鄭樵通志藝文略茅山道書曰

道德經雜說一卷

靈寶經目序一卷

服御五芽道引元精經一卷

昇元步虛章一卷

靈寶步虛辭一卷

步虛洞章一卷

右陸簡寂真人所撰

道德經註四卷

黃庭集訣一卷

上清握中訣三卷

道引圖一卷

金丹訣三卷

鍊服雲母法一卷

太清諸石變化神仙方一卷

經食草木法一卷

達靈經一卷

養性延命集二卷

養生訣一卷

真人水鑑十卷

周易林一卷

易林體三卷

易髓三卷

天儀說要一卷

星經五卷

三命立成筭經一卷

三命鈔略二卷

三命綴曆一卷

名醫別錄三卷

古今刀劍錄一卷

右陶貞白真人所撰

脩真秘旨事目應一卷

脩真養氣訣一卷

靈寶五岳名山朝儀經一卷

右司馬真人所撰

金藏經二卷 茅君撰

授茅君歌一卷 晉太康時人蘇元明撰

紫虛元君魏夫人內傳 宗撰

仙人許遠游傳 王羲之撰

潘尊師傳 唐武后時人撰

瞿童述一卷 溫造撰大曆八年昇仙

三茅處士王潜傳一卷 无名氏

茅山記一卷

茅山新小記一卷 並无名氏

茅山志道山冊第五篇卷之第六

茅山志上清品第六篇卷之第七

上清嗣宗師劉大彬造

上清經籙聖師七傳真系之譜

大微天帝大道君

上宰拯真道君

元始虛皇天尊。太上玉晨大道君

上相青童道君

後聖玄元大道君

小有清虛道君

上清道祖大洞至尊元始天王上皇天帝紫霞虛皇天尊  
元始天王乃玉清元始天中之尊黃庭經云上清紫霞虛皇  
尊玉緯經云虛皇者大道之所理即大道之城包羅三清道  
之祖也九天生神章稱大洞尊神是也

聖師高聖太上玉晨元皇大道君

玉晨大道君居協晨靈觀樓層之臺治蕊珠日闕館七映紫  
房左帶神虎右珮金真龍冠鳳裾羽襦錦帔侍衛天真玉童  
玉女各三萬人所謂太上者道之子孫審道之本洞道之根  
是以上清真人為老君之師萬道之主有傳紀名八素上經  
又曰太上隱書金真玉光豁落七元八景飛經黃庭經所稱  
太上玉晨大道君正太上之尊也

聖師紫宸太微天帝大道君

太微天帝為三十六天帝之主治太微紫宸玉闕之內受以  
金闕帝君日中五帝字曰日晷珠景昭韜綠映迴霞赤童玄  
炎麟象凡十六字此是採服飛根之道一名赤丹金精石景  
水母玉脆之經

聖師金闕帝宸後聖玄元上道君

玄元上道君地皇之胄居瓊臺之殿侍女從官三万人上升  
上清中游太極下治十天乘三素飛輿陰察鬱絕洞臺諸天  
河海翔矚小有解駕龜山以校試衆仙隨才授職五年一下  
游一年一朝上清有傳紀名靈書紫文一曰五老寶經今三  
天州紀是也

聖師上清九微太真玉保王金闕上相大司命高晨師東海

玉明青華小童大道君

青童大君一号青蓋紫童一号斗中真人治東海大方諸宮  
東華山丹闕黃房之內乘碧霞流景雲輿帶飛青翠羽龍帔

從桑林千真受消子三元真一經受太虛赤真人消魔經以  
晉代降魏夫人家嘗以三月十八日十二月二日與茅司命同至  
句曲推校學者有傳紀名玉保洞觀經一曰雲林上玄品  
聖師金闕上宰西極西城摠真道君

摠真大君姓王諱遠字方平益州西城山即西極摠真之府  
領仙官五千人治其所茅司命之師也嘗降蔡經家會麻姑  
漢安元年壬午從老君降鶴鳴山受天師張道陵經符千卷  
降陽洛山受清虛真人清虛上經三十三卷晉代復降陽洛  
授道於魏夫人及受楊許三真經法歲以二日同茅司命游  
財華陽推校學真男女當為真人者成都枯蒼崑崙皆為  
摠真仙府王君摠司太平下教二十四真人是為三洞教主  
聖師小有天王太素清虛道君

清虛真人姓王諱褒字子登范陽褒平人也安國侯七世孫  
以漢元帝建昭三年九月廿七日誕焉父謚文侯母夫人司  
馬遷之孫真人學道華陰山感太極真人降受上法摠真大  
君授上經三十一卷遂為盟傳之師共載詣玄洲請書真名  
復還西城又詣太素三元君受流金詔落七元八景飛晨神  
策玉璽太上遣賜繡羽晨蓋雙珠月明素羽瓊干丹綾錦旌  
又遣賞成命之書位為太素清虛真人領小有天王三元四  
司左保上公治王屋山給玉童玉女三百人主領寶經乘虔  
斡龍輦金蓋瓊輪八景飛輿仗九色之節出入上清受事太  
素宴寢太極也上清經錄至是上天七傳而降世矣

嗣上清第一代太師

上清道主南極紫真後聖上保太微玉晨聖后領南岳上真司  
命高元神照紫虛至道元君姓魏諱華存字賢安任城人晉  
司徒舒之女魏齊王嘉平三年辛未歲生天才卓異玄標挺  
拔少讀老莊書服胡麻散茯苓丸常欲閒居別處年二十四  
父母強適南陽劉文幼彥生二子璞遐幼矣為汲郡脩武縣  
官子息粗立乃齋居別室反脩初服以太康九年戊申歲十  
二月十六日夜半感太極真人青童道君搏桑賜谷王景林  
真人清虛真人來降謂元君曰聞子密緯真炁太帝君勅我  
授子神真之道遂出太上寶文八素隱書大洞真經高仙羽  
經等書三十一卷手授元君曰此書昔授之西城搃真君今  
持付子且語以存思指歸行事口訣乃去元君時年三十七  
劉幼彥役長子璞為庾司空司馬次子遐為陶太尉從事中

安城太守元君在廿八十三年咸和九年甲午清虛青童  
君再降與靈藥兩劑使頓服之剋期會陽洛宮七日夜半太  
上遣飈車來迎元君用歲景之道托形神劍而化往陽洛山  
日青童君太極四真人清虛王君凡四十七真人降教元君  
隱洞雲臺衆真各標至訓三日而去元君研誦玉書積十  
年顏如少女於是西王母南極元君來迎升晨詣上清宮玉  
闕玉晨大道君太微天帝金闕後聖君各令使者致命授以  
玉札金文位為紫虛元君領南岳上真司命秩比仙公使治天  
台大霍山洞臺之中主下教導學仙者且宴會于清虛之宮次  
司命神仙請隸屬南岳迎宮並至諸真乃與元君俱詣天台  
霍山洞臺便道過句曲金壇茅社申宴會二日二夕乃共適霍  
山矣璞後仕至侍中蒙使法于司徒瑯琊王舍人楊君以  
興寧三年乙丑六月二十三日元君與衆真降楊君家自是屢  
降句曲多從青童清虛三茅君游真受非一華陽之傳始此  
宋元祐進封高元神照紫虛至道元君大元泰定國子司業  
虞集撰四十五宗師贊其贊曰

仰瞻紫虛巍乎祝融飛霞成章流響振空日朗月輝  
玉質金容上承諸天越我仙宗

嗣上清第二代玄師

上清真人金闕上保檢仙司命東華道君洞靈顯化至德真君  
姓楊諱義字義和本吳郡人徙家句容晉咸和五年庚寅歲  
九月生幼而通靈美姿容善言咲工書畫與王右軍並名海  
內許先生邁長史穆年並懸殊而早結神明之交簡文帝為  
瑯琊王進位丞相用長史薦為公府舍人及帝即位乃不求  
遷叙高蹈遺榮精思致感永和五年受中黃子制虎豹法六  
年從魏夫人長子劉璞傳靈寶五符時年二十一興寧三年六

月感紫虛元君紫微夫人九華真妃降于家講受要道白是清虛清靈凡四十七真人數來降或降長史山廨所傳經誥多轉使錄示許君父子至是遂為許君傳經之師九華安妃應運為僊嘗告之曰明君夷質虛閒秘構玉朗蘭潤高流清響金宮所謂珍寶藏奇幽真內煥必三事大夫侍晨帝躬高佐四輔承制聖君理生斲死賞罰鬼神攝命千靈封山名雲察陰陽之氣為吳越司命之君將乘龍駕雲白日升天君若不耐風火之烟欲抱真形於幽林者且可尋劍解之道作告終之術乎西城王君又教服日月之華法簡文帝從而師之以太元十一年丙戌歲解駕年五十七

贊曰夷質虛閒靈儔感玄金宮流韻玉對浮烟衆真會言  
太帝錫名手傳道書筆精墨妙

嗣上清第三代真師

上清仙侯金闕侍晨左卿司 太元廣德至仁真君姓許諱  
穆字思玄一名謚汝南平輿人六世祖先徙居丹陽以晉惠  
帝永興二年乙丑歲生起家太學博士出為餘姚令後徵為  
尚書郎遷郡中正護軍長史給事中散騎常侍外混世業內  
脩真學嘗慕兄遠游之高軌值簡文晏駕專靜山廬與楊君  
深結神明之契興寧中衆真降楊備傳經誥定錄中君尤多  
示訓太元元年解化年七十二子姪禮寔虛極於縣西大墓  
真誥云君挺命所基緣業已久乃周武王九宮上相長里薛公  
之弟燕許肇遺功復應垂祉後胤故乘運托生因資成道玉  
札所授為上清真人爵登侯伯位編卿司理仙撫治佐聖牧  
民矣

贊曰夙緣應運世胄承祉妙敷人文密贊神理塵爵外縻  
何間內脩玉晨之虛我懷真游

四代宗師上清仙公金闕右卿司命東華侍晨混化元一真人  
仙侯第三子也諱翽字道翔小字玉斧清類整潔特絕世倫  
生晉咸康七年辛丑歲正月郡舉上計掾主簿祖司徒府辟  
掾並不赴立宅雷平山前密脩上道興寧三年七月紫微夫  
人降教自是與衆真酬接書疏備脩迴元飛步二景儀璘之  
法嘗願早游洞室不欲久停人世以太和五年庚午歲詣北洞  
告終時年三十者舊相傳云掾在北洞石壇上燒香禮拜因  
伏而不起明旦視形如生保命君受言許子遂能委形真化從  
張鎮南之夜解鎮南即天師第三代系師魯也自此居方隅洞  
館常去來四平方臺真誥云後十六年當度東華受書為上  
清仙公掾妻建康令黃演女名敬儀生子黃民乃遣還家黃  
民字玄文年十七仕至司農丞元興三年避京畿配乃奉遺  
經入剡中矣

贊曰紫微受書追奔兩儀人間如帑又留何為委形虛壇  
合莫太始遺經不忘保之有子

五代宗師上清仙卿保真先生姓馬諱朗一名溫公字子明浙  
東剡縣東關人家素饒財履信行義為鄉里所宗聞茅山揚  
許得道盛傳南真上清經法以其居接金庭天台咫尺仙府  
弥加崇慕元興三年許丞黃民載經避配君躬迎道左延心其  
家禮敬供養元嘉六年許丞還錢唐封其先世真經一樹子留  
君靜室之中且云此經並是仙靈之蹟唯須我自来取縱有  
書疏慎勿與之惟分十數卷自隨至錢唐感疾慮不即瘥遣  
人取經君既得書堅執先旨謂親受教敕豈敢輕付遂不還  
經許亦旋歿君同弟卑敬事經寶有過君父恒使有心奴子二  
人一名白首一名平頭侍直香火洒掃拂拭每有神光靈炁  
見於室宇君妻頗能通身去數有青衣玉女空中去來狀如

飛鳥君家遂益富盛噴產鉅万累世壽考而終

贊曰天不受道地不受寶而彼鄙薄莫之能保羣真手野

玉珮金璫知之者希見之者昌

六代宗師上清仙鄉輔正先生諱罕字子言保真之堂弟也  
同兄敬奉經寶居士婁惠明者先在刻意甚貪樂經法而  
高鑄巖固觀覽无方景和元年乃出都令嘉興受季真啓宋  
主勅就馬家取經比經至都是呈景和於華林暫開勅以付  
後堂道士即陸先生靈驗記曰二馬有保經之功沒世之日上帝命  
靈官持玉版召入金庭洞天俱授仙卿之任

贊曰維昔茅君兄弟及繼茲令蹤共保靈笈玉書所在  
万神衛持道以時興匪人得私

七代宗師上清監仙大夫九天掌籍宋國師謚簡寂先生丹  
元真人姓陸諱脩靜字允疇吳興東遷人父琳九徵不起謚

高道處士真人蹠有重輪足有雙蹠掌有大字背有斗文薦  
好文籍旁究象緯及長好方外游南詎衡湘九越訪南真之  
之遺蹟西至峨眉西城尋清虛之高躅宋元嘉末因市藥京  
邑文帝召不往乃友陶淵明僧慧遠於廬山明帝泰始三年  
詔江州刺史王景宗禮聘來朝勅住後堂真人不樂乃授館  
于外又勅會于華林延賢之館王公畢集真人庶巾謁帝而  
升帝肅然加敬遂以是季真取到上清經法勅付真人檢括  
三洞為世宗師仍勅北郊天印山立崇虛館建傳經宗壇教  
法大備矣明年帝疾即其館脩金籙一夕有黃炁如寶蓋狀  
弥覆壇宇帝復感異於夢疾乃有瘳所著齋法儀範百餘  
卷元徽五年正月忽若越裝將還舊山弟子皆訝之乃三月  
二日儼然解化時廬山諸徒屬共見霓旌藹然下臨靜室聞  
空中有言曰上清監仙大夫降俄而勅送冠履還山詔所居

為簡寂觀

贊曰緬游靈岳結友匡廬采秀黃華濯清素蕖手握竒文  
之履輪輜蕭館虛林想見遺躅

八代宗師紫微仙卿與世明德先生姓孫諱游岳字頴達東  
陽人性稟淵淳博學經傳拜簡寂於仙都山教服穀精丸居  
仙都四十七年不與世接後來茅山簡寂見而喜曰遲君來  
吾高枕廬山矣授以楊許真法未幾簡寂化詔先生主興世  
館為嗣宗師一時名士沈約陸景真陳寶識等咸學焉弟子  
百餘人先生嘗夢茅君曰青華小童復降句曲汝弟子中善  
護持之永明間陶弘景入山先生異其丰神趨詣且聞身有  
斗文因省所夢曰青華小童豈非斗中真人耶即盡授其法  
累表乞還山詔不允永明七年五月十五日沐浴遷神年九十一  
贊曰百穀之精結英中庭人以腹實我以虛寧金真玉

神文在世青童復來吾得攸寄

九代宗師金闕右卿司命蓬萊都水監梁國師中散大夫謚  
貞白先生宗元翊教真人姓陶諱弘景字通明吳荆牧濬七  
世孫丹陽秣陵人也生宋孝建三年丙申四月三十日甲戌十  
歲見淮南八公事便嗜養生之說既冠而不肯婚以資營未  
立薄游下位仕齊歷諸王侍讀年二十餘從興世館孫先生  
咨稟經法茅山獲前真楊許手書於是越假東游詣委惠明  
於大洪山遇杜京產於太平山尋鍾義山於苑山謁朱僧標  
於天台又獲真人手蹟十餘卷還都以振武將軍除奉朝請  
永明十一年乃拜表辭職時年三十七遂來山自稱華陽隱  
居嶺西立華陽三館上館建層樓身居其上弟子居中接賓  
於下梁武即位弥加欽重時人謂為山中宰相天監四年出  
居嶺東有事于鱸遂七年以為林岩淺近復思遠游乃改

名氏曰王整官稱外兵疲半出山至永嘉楠江青嶂山夢佛  
隱記名勝力菩薩住大茗岩脩所著真誥復泛海詣霍山經  
年還木溜武帝有勅迎還舊山曰詣鄖縣禮阿育王塔自  
誓受五大攝戒既歸入住東澗明年冬徙朱陽館又移鬱岡  
齋室先生山世所著書二百餘卷弟子受經法者三千餘人  
大同二年三月十二日作告逝篇示桓法閻等即日尸解年八  
十一屋中香氣積日不散勅遣舍人主書監護空事十四日  
窆虛柩于雷平山先生神儀明秀眇眇有光形細長項耳間  
矯々顯然異衆矣嘗言心中恒如明鏡觸形遇物不覺滯礙  
紫陽王君曰陶公久入下仙之上乃范幼沖等也趙丞曰蓬萊  
都水監高光坐治水事被責以陶代之既且停台當更選耳  
按此乃乙未年中事見周氏玄通記後二十一年先生始去世  
仙位當更升也

贊曰高卧白雲晨殮絳霞弟子如林著書滿家懼神九清  
騰耀三景與天為徒如日之炯

十代宗師上清少室仙伯唐國師金紫光祿大夫謚昇玄先生  
姓王諱遠知字德廣瑯琊臨沂人父曇選陳揚州刺史母丁  
夢鳳鳥集其身僧寶誌謂其父曰生子當為神仙宗伯以梁  
大通二年生弱冠師宗道先生咸矜進而宗脩隱居經法陳  
主召入重陽殿特加禮敬逸歸茅山居于洞西北嶺隋晉王廣  
鎮揚州具禮迎請既至忽須髮變白玉懼而歸之大業七年  
煬帝幸涿郡召見臨朔宮扈駕洛陽奉勅詣中岳脩齋復詔  
京師建玉清玄壇以處之唐高祖龍潛時先生密告以符命  
武德中太宗為秦王平王世充因與房元齡微服謁先生  
迎謂曰此中有聖人秦王乃審其實先生曰方作太平天子願  
自愛已而請還山貞觀九年勅建太平觀賜田度道士七十七人

為侍者八月十四日適因睡寤喜形於色謂弟子曰吾向暨游洞宮仙官見報欲以疲朽補為仙伯名位已定行在不久十六日沐浴入室焚香顧問侍者日時早晚對曰辰時曰好即正衣冠就寢而化年一百二十有六高宗調露二年贈太中大夫謚昇真先生天后嗣聖加贈前号時稱王法主云

贊曰：鳳儀覽德不遲或隱或來景運有期貞化神通不滯玄白百廿六歲唐仙宗伯

十一代宗師上清檢校仙公唐國師太中大夫謚體玄先生姓潘諱師正字子真貝州宗城人父寔隋通州刺史母魯氏善言名理口受以道德經女卒廬墓以孝聞大業中有道士劉愛道者見而奇之曰三清之驥非尔誰乘之時王法主為煬帝所尊禮每入禁中躬薦松水以祈福愛道曰吾甚欲子相從然成就功道非法主不可由是師事法主同還茅山一日

謂先生曰嵩陽乃汝脩真之地當亟往无疑先生遂入雙泉中嶺間居十許年復深入道遶谷邈與世絕上元三年高宗幸東都禮嵩岳召見先生請作符書辭不解又問山中所須答曰茂松清泉臣之所須此中不乏帝異之調露初再記嵩帝乃幸道遶谷見薜荔繩床將朽敗餘无火粒之具唯兩瓢貯青餹飯耳因即其地勅建崇唐觀明年春又以步輦致先生於洛城西宮仍勅改嵩陽觀為奉天宮每手詔具弟子姓名告白自是乘輿屢陟山阿帝在洛陽復台對及請還御製詩以送先生嘗謂弟子曰吾實无用接見帝主驚擾靈岳汝等學道不厭深眇則无累矣永淳元年六月十四日索沐浴書青符置湯中曰終身淨也時造石室於北岩下將成十六日遽去去弟子韓文禮問何去曰泰山檢校功德語畢雲氣覆庭須臾解脫年九十八天后降制若曰去年冬晚軒皇之駕不追今歲秋初

廣成之居又新聖曆二年立碑嵩山

贊曰絕世之質皆思友之仙緣有定敢縻以私茂松清泉

亦復何須冥心合真樂出太虛

十二代宗師上清玄初仙公唐國師銀青光祿大夫謚貞一先生  
姓司馬諱承禎一名子微字道隱世居溫晉壺城王權之後  
襄滑二州長史仁最之子生而能言天錫神表年二十師體玄  
於嵩陽受金根上經三洞隱書嘗有鳥如鳳凰下集香几爪  
痕著几成書文曰東華上清真人由是益神其行玄宗異之  
遣使徵聘勅王屋山置陽臺觀以居一日感天帝召遂來山  
禮謁華陽洞天因撰貞白碑陰記師以王屋小有之天控真  
之府景炁幽歛神祇會昌吾道苟行莫是不可翻飛投足有  
終焉之志復於觀之朝維高丘之午窮極絕界得中岩臺上  
直天壇下繚長阜巨木圓抱鳴溪中流每養龍大谷相鶴中

峯燦金洞之衆香吸石窓之鮮炁有日矣著坐忘論及撰備  
真秘有十二篇為隱居真訣之副師且憲帝息深夕遂徙居  
天台玉霄峯以期冲舉又勅建桐柏觀其地請師五體書道  
德經開元乙亥歲六月十八日忽謂近侍曰吾已受職玄都不  
復得住乃部署封檢若將遠適暮有赤雲繚繞摩地而來  
雲上蕭聲泠然衆咸駭異謂必上外遽度戶而已蛻形矣玄  
宗御製碑在桐柏頂

贊曰至神合虛應物无迹強名坐忘銷尔塵負高風華林

旭日丹臺蓬海无師歸求天台

十三代宗師上清真人唐國師正議大夫玄靜先生姓李諱  
含光廣陵江都人本姓和避則天諱易為家世業儒父孝威  
号貞隱先生精黃老之術神龍初師以清行度為道士居龍  
興觀開元十七年從司馬先生於王屋山一見目之曰真玉清

之客也居嵩陽二十餘年司馬僂游玄宗召詣闕與語歎曰  
吾見舍光知司馬真人猶然在世一日問及金鼎對曰道德公  
也輕舉公中之私耳若忽道德而求生徇欲則似繁風玄宗  
深感異之詔居陽臺觀歲餘稱疾乞還旬曲纂脩經法天寶  
四年十二月命中使賈璽書徵之既至館於禁中每欲洛票  
必先齋沐請傳道法辭以疾不能強而心再求還山乃特勅  
楊許故宅紫陽觀以居之御製詩餞別又禁山中采捕漢獵  
食葷血者不得入時經誥真蹟已多散逸師奉詔搜訪備得  
寶書進上之又詔山人王收請師楷書上經十三紙以補遺闕  
七年三月十八日玄宗受三洞經錄于大同殿遙禮度師賜号  
玄靜先生法衣一襲以伸師資之禮詔刻石華陽洞宮以志  
之繼兩徵詣闕皆請老而還為國脩齋數感甘露靈芝之  
瑞大曆四年己酉十一月十四日解脫于紫陽之別院年八十

有七以左玄大夫贈正議大夫

贊曰公私之辨至道名言徒說弗後頻煩主恩上經十三  
妙補遺闕索著刻銘无愧稱絕

十四代宗師上清仙伯大洞真元先生姓韋諱景昭丹陽延  
陵人吳司空慎十六代孫精究儒術而不肯取科名獨慕神  
仙之學初度于延陵之寧真觀師事包士榮士榮師崇玄觀  
包法整法整師包方廣方廣師王軌軌之師昇真王法主也  
惟習靈寶經法後居長安肅明觀至天寶中奉詔侍玄靜先  
生歸茅山勅遣紫陽觀居焉大曆初受玄靜經錄正傳肅代  
以來天下喪亂師獨以道為己任貞元元年十一月癸卯召  
門弟子曰吾昨見仙官持勅書召任上清仙伯不復住世矣  
來何為喜去何為悲汝等躰之母或哀泣時年九十二而化  
贊曰神鴻虛生至靈為寶甘塵紛揚獨靜以保時成返空

我知其歸來无所欣去无所悲

十五代宗師洞真先生姓黃諱洞元南岳人早游華陽與玄  
靜先生為師友嘗受行中黃服日之法後入武陵住桃源觀  
有瞿童子名柏庭自辰溪來師事甚謹一日獨游歸語師曰  
桃源中有水洞花木紛馨洞室周繚澗中多五色石童子得  
一石狀如龜引之首尾俱動師箴經笈中旬餘失所在異日  
約俱往水溢溪洞迷不知處大曆八年癸丑夏五月晦童子  
辭師曰後當於句曲相見明年師徙居廬山紫霄峯凡十載  
復來山住下泊宮日誦大洞經嗣韋宗師之學又八載瞿童  
子者至師適曳杖有出柏庭亦不啻及歸聞姓名大駭遂易  
服焚香望空拜伏久之凝立而化舉體唯空衣耳德宗漢異  
贈先生号壽九十五

贊曰瞻日得道其知甚真栢庭之來桃源始春石龜五色

首動尾應忽然亡之妙極玄微

十六代宗師明玄先生姓孫諱智清不知何許人在襁褓時  
畏聞腥羶及解事唯進以酒辭家入山師洞真先生大和六  
年為山門威儀七年奏請重禁乘捕四時祭祀咸絕牲牢奉  
勅書立石紫陽觀李衛公尊師之嘗有詩贈武宗會昌元年  
召脩生神齋勅達九層寶壇行道日賜号焉解化時衆見風  
雨中有大魚金鱗玉鬣師乘之凌大峯而上未詳歲月

贊曰食味養形食氣養神鼎俎傷生忍而害仁我貴食毋

无假于外瞻儀有感豈識其會

十七代宗師唐國師希微先生姓吳諱法通潤州丹陽人有  
文學試舉子業不利來山明玄先生度為道士盡授經法踰  
年明玄化形風雨中師大悟解禧宗乾符二年遣使受大洞  
籙遂尊稱為度師賜先生号天祐四載年八十三預知世行

有寢潛入岩洞不知所往

贊曰世之將危智者去之而彼真人慨然興悲深處岩洞  
流潤千里動植遂生風雨時至

十八代宗師洞微元靜先生姓劉諱得常金陵人十七歲作  
大道歌見吳宗師觀其氣骨飄然出塵曰賢者能飲茅山泉  
一月當十倍今日聰明一年特生光慧十年間仙道矣師乃  
作冷泉吟又曰吾有玉經妙旨子若歛華歸實可以混合天  
人雜情理識由是再拜執弟子禮得其道居紫陽觀二十年  
不踰戶闕華姚山一夕有童子歌曰靈菌長金刀響山中入  
數聞之慮有兵是年歲產黃芝經月枯萃師亦解真

贊曰龍章鳳書可剗劫運歲之貴虛保之貴定全體皆用

誰執其方欲窮所之弟子亡羊

十九代宗師貞素先生姓王諱栖霞一名敬真字玄隱生於

齊而長於魯七歲神童及第而仙才靈氣稟於自然天祐丁  
卯歲避亂南渡至于壽春從問政聶先生傳道法及來華陽  
又從威儀鄧君啓還受大洞經訣南唐烈祖方在賓門寔來  
作鎮台師至金陵館於玄真觀聖曆中興恩禮殊重加金印  
紫綬号玄博大師表請還山詔不允又加貞素先生号後贈  
洞微元靜之稱保大元年壬子歲夏四月甲寅隱化于玄真  
齋秋六十有二賻錢二十万奉冠劍歸墓雷平山徐鉉撰碑  
贊曰旭日未升衆星絜如江南之都依我仙壺金印紫綬  
於我何有彼以為貴來斯順受

二十代宗師紫陽冲虛先生姓成諱延昭字懷玉潤州金壇  
人氣稟純素不染世塵初詣紫陽觀王先生伏節為弟子宋  
開寶八年平江南後刑部郎中知昇州楊克讓請師為茅山  
威儀兼昇州道正未幾辭還紫陽舊居門人受學甚衆淳化

元年四月十四日无疾從容觀化年七十九

贊曰域中之大唯王與道我以虛神彼以位寶華陽之傳其書孔多以佐時功陰陽大和

二十二代宗師洞虛先生姓蔣諱元吉字吉甫号碧虛子常州義興人祖麟父器之貨藥不二價為鄉里醇儒先生丰標絕塵厭事生產作業讀書尤長於詩常白日致鶴飄：有霄舉之氣從冲虛先生應詔居京師久之同還紫陽極論上清之學曰三洞玉書非子不足付度師曰度文不度訣吾无望於師焉冲虛曰度人不度文吾所望者子耳師既受度人曰蔣氏世德之報我奉揚大教屢有禎祥咸平改元三月以經籙授弟子萬保冲十五日仙去

贊曰朝游寶林暮宿玉池微驗所獻籙生涼颺玄圃之英濯：其羽我翔太清假尔飛舞

二十二代宗師冲素先生姓萬諱保冲字用玄常州武進人幼失怙恃兄氏教撫之及長議析業師曰吾无兄无有今日先人丕業非所願得寄迨黃冠足矣遂詣騰仙觀出家後來禮洞虛壇下咸平元年始傳上道專善採服日霞之法至九十二解脫顏良如童景德間奉詔請禱大應重書賜号退隱黑帝谷中

贊曰赫陽吐芒赤水騰光引以神鼎濯以靈液千日道成潜躍自在盤桓玉童編衣玄帶

二十三代宗師宗國師觀妙先生姓朱諱自英字隱定句曲朱陽里人生於太平興國元年八九歲後牧兒郭千村能吹笛致鶴父母以為不祥棄之乃從朱元吉著道士服時年十二端拱之初也繼與明真張鍊師居積金山頂試辟穀術人稍趁之遂息遠游至襄陽遇真人陳鐵脚挾往青城山後過

瀨鄉校雖太清宮古藏經遇水呈童子武抱一游河中府行  
止神變景德元年嗣教年二十九四年真宗遣使祈徯明年  
仁宗生事具宗史奉旨住持玉清昭應宮山中勅建乾元天  
聖兩觀賜号國師明肅太后傳大洞畢法後賜号觀妙先生  
還山得武抱一蜀中所寄書意警責姓名顯耀暴露天機先  
生對之泣數行下弟子莫測也天聖七年十一月坐化手執  
祥符所賜玉如意流汗浹體頷有寶珠尸解之上法者世壽  
五十又三

贊曰赤子童真宿智冥得凌虛有音履水无迹有道之朝

援如中春執玉振金為時外臣

二十四代宗師通真明允先生姓毛諱奉柔達康句容人嘗  
侍父入茅山天市壇遇黑帝父終无所見先生追視之帝拜  
其前觀妙宗師聞而異之謂其父曰華陽之道在君之子矣

遂留山中師事觀妙謹朴忠厚有長者風結廬積金山慕隱  
居道靖之地居焉苦志在於輕舉嘉祐八年十二月大雪中  
菴前木犀驟花先生心異之少頃有道士劉混康者自常州  
泰和觀來先生感其誠懃且嘉瑞應一時授以經法未幾解  
化崇寧元年贈先生号

贊曰積金之陰其神孔威潛靈感符啓我仙扉兩扉闔開

神生景丹光在林人識餘鼎

二十五代宗師葆真觀妙冲和先生大中大夫謚靜一姓劉  
諱混康字混康字志通晉陵人景祐二年乙亥十二月二  
日生十三歲從泰和觀湯含象嘉祐五年試經為道士一夕  
夢神人告曰汝公學仙當擇名山嘗患世无良師每靜夜登  
壇散髮焚香以天為宗已而聞華陽毛宗師有道往依焉菴  
居積金山常有五色雲結為樓殿人異之一日有三羽士

造其壚指菴之東隅謂師曰汝即此居抱神守中德惠及人當无愧前人也又顧師眉間曰此无作之地道之所尚不可有疾手為捫之明日瘕滅元祐元年哲宗后孟氏候吞針喉中醫莫能出有司以高道聞召見師進服符嘔出針刺符上宮中神其事賜号洞元通妙法師住持上清儲祥宮紹聖四年勅江寧府即所居潛神菴為元符觀別勅江寧府句容縣三茅山經錄宗壇與信州龍虎山臨江軍閭阜山三山鼎峙輔化皇圖徽宗加号元符萬寧宮賜九老仙都君玉印景震玉欄具劔御製詩頌書畫賜予不能悉紀師累表灾變上雖加歎而不能用其言屢召至闕大觀二年赴台出山羣鹿遮道師以意喻之一鹿觸車而斃瘞之道左先是所蓄鶴聞台飛去師曰鶴去漣斃吾不還其四月至京館于儲祥宮新片乞符之別觀夜夢天帝召誥朝駕車儲祥就見因進上所誦

大洞經十七日臨午儻然解脫年七十二勅遣使護柩還山墓壘玉峯特詔建藏真觀為祠室云

賞曰玉華蕩空金英散香羣仙感關受契紫皇神明之區有相成道嚴真給傳天地同老

二十六代宗師凝神殿侍宸守靜澗和法師冲隱先生姓竺諱淨之字清遠金陵人父得一好道術鄉里号達翁餘杭有杜道士者自匿其名嘗從翁游熙寧元年師將誕父夢杜投其家心異之師幼與羣兒戲輒畫地為道家像父携乃之東山劉先生見而奇之曰是子他日人天師也師喜躍誓不復歸父亦欣然從之元祐間與俱入朝先生被旨住持上清儲祥宮以師歸主元符宮事崇寧四年賜法師号兼領崇禧觀凡上恩興達土木與夫山門之請乞師備勞焉撰集科儀營救貧乏尤所致意政和三年七月三日召門弟子曰吾今四十

有六歲昔先師嘗授記以為過叨朝廷厚恩壽當不逾於此  
遂索華書遺表盥沐更衣泊然而逝表聞天子嗟悼詔贈沖  
隱先生爵及父母塋藏真觀之山入室弟子俞希隱徐希和  
希和得旨嗣傳印劍希隱入青城山今蜀人有聞洞法上道  
俞公之行化也師美髯長身丰骨異俗每入見為上加賞云  
贊曰秋空塵消春洲冰渙美哉仙儀皇明所贊徒贊其儀  
弗究其道臨終之言帝王之要

二十七代宗師太中大夫崇神殿侍宸養素觀妙先生姓徐  
諱希和字仲和金陵溧水人祖父樂施與宣君尤為徐君所  
敬慕命師以侍中賜嘗從入朝上嘉其道才清素勅就陛前  
承恩為道士沖隱解化泰御筆嗣宗壇政和四年詔闕及  
秋還山賜丹臺郎轉太素大夫凝神殿校籍宣三年後波  
名曲廷建別館處之四年授前職請 故山勅有司禮送五

二十三月十八日降符封香入山有白鶴天燈之應每坐大靜  
接降仙真侍者窺之唯聞其語師預知世故常若隱憂靖康  
之初閉靖不食一日集徒衆曰吾仙期已迫不得見聖人治  
世也以建炎九年七月二十五日若坐忘長往矣

贊曰古先聖真鍊質返始往來无方聚散无體我神甚真  
故與之遇外戶何人欲聞其語

二十八代宗師尤觀先生姓蔣諱景徹字通老金陵句容人  
眉目秀異面有斗文十一歲侍冲隱公及聞三洞俞先生入  
蜀往見於峨眉山俞嘉其意益其所學臨別謂師曰三十五  
代我當如阜及山嗣掌大法建炎寇起燬尤符宮師獨保經  
籙印劍左街道錄傳希烈聞于朝高宗賜金重建宮師復行  
化至京師前一夕和王揚公存中夫人趙同夢天尊降其第  
明日師謁王門王大敬信今宮山門王所建者嘗歎曰吾以

土木事虧損仙業不得白日昇翥師有白玉天尊像甚秘比至解化像亦亡去紹興十六年四月二十九日也

贊曰土木之崇時息時興我行无為彼夢有徵我象帝玉質天粹臨化俱返軌執其契

二十九代宗師崇德先生姓李諱景合字靈運句容人幼師允觀談練經法南渡之後壇席典儀缺落賴師潤色之一日游雷平山得古劍一以獻允觀允觀曰此陶公墓中物也神物不可泄合歸之故地果得隱居墓卓劍墓上須臾雷電大風晦冥明日往視其劍无有墓上復得二青李允觀聞之曰劍去李出于嘗避席即奉師登壇是日席滿塵鳴鸞鶴友至師好施藥人一疾安令投一錢井中積錢盈井人呼曰藥錢井所活人可知矣紹興二十年九月十五日不疾而逝

怒歸真山中

贊曰神物之還雷電與俱青李何來報徵神墟設藥羣疾泉流林注以无盡施待有緣者

三十代宗師靖真先生諱景暎字靈暉崇德宗師弟也早喪父事母至孝年四十不娶母卒從兄着黃冠崇德公曰吾昔得二李陶公墓下予來驗矣曰作二李亭于白李溪師至性澹泊深寶慈儉一入大靜殊月不出高宗累召辭疾不起即山中賜号靖真先生紹興二十五年夏早留守詣師請雨大應守聞之朝使一再至師辭疾愈力明年為秦夫人王氏拜章知檜繫鄞都事隆興二年正月一日謂侍者曰吾將觀化矣遂閉靜危坐不食至六日午時化

贊曰太一好生法容儔祠而所福禍則不取私迷國當誅猶冀冥報玄獄之警亦輔名教

三十一代宗師保寧沖妙先生姓徐諱守經金陵溧水人母

夢流星降其室而生十歲不能言有道人言自茅山來服其丹遂能言母乃令入山師事靖真守一抱道不求人知隆興二年嗣主壇壝朝廷累召守靖真之教確然不起每有繪襪遣使即山脩事輒獲嘉應及得江陰秦先生手印劍付之退歲於密慶元元年三月九日辭眾而逝

贊曰流星之光下而為人歛精含輝忘言絕塵神丹之來道不苟授應物泊然是善玄守

三十二代宗師明教先生姓秦諱汝達字通遠江陰人家貧苦學常拾廢紙遺筆學書強記過人訪道東南名山保寧宗師闢館西洞以書致之先生來與語通夕明日以印劍奉先生登壇眾望見先生眉宇吾神皆服保寧公擇賢之密知人之明也紹熙二年朝廷遣使封香營金籙齋有白鶴綵雲之異賜先生号慶元元年十月九日向客簿沈來謁比列至

山橋聞鍾聲人曰秦宗師仙去沈大駭還望先生騎坐鶴然體猶溫澤因嘆曰相逢茶已罷一笑便昇仙入室弟子那敢嘉時在京為太一宮高士左街道錄是日還山奉勅嗣教師贊曰仙學所能非人間書亦假豪素何妨棄餘綵動於

我感以虛謂我預知孰究玄樞

三十三代宗師真應先生姓邢諱汝嘉字子嘉建康溧七歲能綴文善談名理身長七尺手垂過膝孝宗召為高士師蚤年寡髮不勝冠特賜巾裹上殿并御製詩曰朕今命製華陽巾賜與茅山得道人戴此不妨朝玉陛免教五嶽受埃塵慶元元年十月三日得秦宗師書曰吾近得真誥內有回車之期宗教甚重子可速請勅歸領印劍期以九日到山奏聞上深異之勅送還山為嗣宗師重建藏室獲施與金帛數萬計謂門人曰吾非好此明年將歲六饑矣嘉定二年

三月廿二日不疾而化是歲秋歎甚衆賴以安有餘濟困者活人无算其存心如此

賞曰於皇阜陵躬勤孝理爰尚清靜詢于真士手製華陽俾卻寇塵疇克稱茲玉立長身

三十四代宗師冲玄明一先生姓薛諱汝積字德夫常州晉陵人性簡儉學周易老莊與真應先生意甚相得真應以士主祠尚方音問不相涉二十餘年後卒其友傳其道嘉定六年癸酉地鵬曰寧宗皇后楊氏用明肅太后故事右街鑿義上官德欽賞香幣受大洞畢法遙禮先生為度師脩羅天醮甘露降靈之生白鶴綵雲嘉瑞非一高士劉先生撰傳錄記七年十二月十八日解真先生初名克昭字明及傳華陽之學更前名著其世德之由起也

賞曰發書啓玄托易著明山日八月道正不傾瑞露密降

芝英自生白鶴起飛遂超太清

三十五代宗師通靈至道先生姓任諱元阜字山甫溧水人幼負奇質察理幽深神貞超然綽有仙氣薛宗師夢童子揭其坐席曰俞先生來子慎避席俞即元觀蔣公義眉山見之有三十五代如阜之語蓋蜀中仙去數十年薛公嘗聞斯語矣及師入山薛公曰華陽再來客也即授以玉書學者駢踵而至嘉定十六年滌雨寧宗召至關脩大醮師勅水至坤隅向良戶躡罡若有禁勅上亦先夢其地有妖異人所不知者因賜号通靈明年復合禱雨加至道賜象簡冠帔皇后之統扇親書特賜妙相真人于上其他賜予悉散貧者上加敬嘉熙三年三月十八日達齋罷白衆曰吾將佐司命理忠孝之任宜珍重焉儵然而逝壽六十四

賞曰孰謂仙真遺世去之受職于天忠孝是司地道无

合章為美俾揚皇風是用錫尔

三十六代宗師明徵先生姓鮑諱志真字淳夫溧水人家業儒而貧父道中得遺金有遠吏泣至問所遺即歸之夕夢羽人謂父曰汝有陰德生子當仙父母以歲疫命入山受道是年疫惟鮑氏一門免焉趙葵開閩東方請師醮拔滁城戰歿之士羽童鸞鶴見於雲中葵深敬異之復於義家獲南岳景震劍淳祐三年上表解職居陪真館日誦太丘隱書十一年卒其四月十七日靜一先生解真之日也燒香作禮名大眾曰我當從祖師去矣是夕脫去

贊曰千萬之一人保純德萬億之一純德之極純極而仙人化而遷父不捨遺仙許子為

二十七代宗師靈寶先生姓湯諱志道鎮江丹陽人讀書負奇氣壁髻跣足坐大茅山頂三十年誓不出山趙善湘帥金陵訪山中高道一見奇之使禮明徵宗師始聞大道之要淳祐三年傳印劍五年秋大旱召赴闕禱雨師曰雨不須禱上曰亢旱奈何師曰臣聞民者天之赤子陛下憂民若此雨當旋至臣行不足格天臣心有足知天是夕果雨上大悅民舉手曰湯仙雨也召住太一宮力辭還山賜資特厚十一年四月上表退席寶祐六年正月三日說偈有云一笑入窠天一笑一咲離世

贊曰冠巾裳衣人飾其外我壁以游返頂非在桑林之憂釋以甘露而不自神曰天所灑

三十八代宗師冲妙先生姓蔣諱宗瑛字太玉毗陵人多習舉子業長游四方居越之金庭山二年嘗於石壁間得登真隱訣一書私甚異之遂挾書來華陽從湯先生游一昔夢天門開見游玉海仙人五字明日傳度登壇因以為号朝廷行

郊祀禮久兩名詣闕禱乃大霽理宗賜御書上清宗壇聖德  
仁祐之殿景福万年之殿凡三榜賜錢十萬繕繕脩宮宇還  
山累表乞謝事不允開慶改元托疾遊廬山遇鄂渚之亂乃  
過天目山往來永嘉山水間註大洞玉經十六卷上聞其高  
尚不可回而法主之任不可缺遂勅高士景元範代之  
大元至元十八年

世祖皇帝降特詔便安就道不得離比至燕都六月二十七日  
无疾化弟子奉冠履歸葬藏真之山

贊曰得書石室古仙所留具釋隱言以鎮丹丘天門廣開  
羣真畢來匪夢伊真万方其新

三十九代宗師架岩先生姓景諱元範字仲模句曲人幼依  
任宗師為侍者脩髯廣頰如古列仙生平不知酒肉味嘉熙  
間從任公詣都出住建康天慶觀開慶改元召為龍翔宮高  
士應左右街鑿義未幾勅充上清宗師理宗后謝氏如先朝  
故事尊以師禮受大洞畢法其詞略曰為天下母敬持坤順  
之符尊道中師肅受願真之錄時師以元陽觀為外靖居焉  
景定壬戌十二月廿五日化

贊曰偉乎架岩擔遺世塵食地徇形寔滯昇真處高非危  
守潔非介飛步神京接軌玉海

四十代宗師元靜先生姓劉諱宗祖溧水人師事玉海蔣公  
公弟子數十輩師年獨幼卑順自牧冥心道域寶祐間從蔣  
公造朝復從游廬山宿紫極宮夜聞呼茅山道士曰天王校  
錄洞中劉子可歸矣師心恠之明日別蔣公去至金陵父卒  
終喪乃還句曲一夕芝生滿山悒不樂人問之終不言明  
年北兵破四川朝廷累徵不起深晦其道以終天年

贊曰世運向微海將塵飛仙人知幾暫至遄歸山靈夜呼

芝英晝暎我保玉書以請民命

四十一代宗師一空真妙先生姓王諱志心金壇人棄家學道師元符知宮湯尤載上清宗壇主其法者毋以甲乙次蓋自靜一先生始時開慶宦者董宋臣私於發之道士未知常挈印劍於赤松宮師詣關上陳暴其惡詔如舊次勅取印劍還山衆推登壇揮手謝之寒暑一納而已每幾坐而起兩袖常拂火光咸淳癸酉九月二日說偈解去大衆追禮為復正宗師以補系代之失

贊曰道之所傳天且弗違孰睥睨之間以人為苟可間者斯非其道告示真士善守神保

四十二代宗師觀妙先生姓翟諱志穎字同炳丹陽人年十三入華陽洞之西便門遇道士坐石上指石壁題名謂師曰汝姓名在宗師之列因顧石壁失其人乃長果嗣法主之任

清容慈儉唯道是從始自永嘉迎玉海度師還山北兵乙亥歲下江南明年丙子化去時至元十三年六月廿四日也贊曰華陽之洞辟以玄瓊千歲一開列見仙名仙之為道有化无迹人窮火傳我返真極

四十三代宗師寔和宣靜真應法師姓許諱道杞字祖禹句容人上清仙侯之裔也宋端平三年丙申十二月廿七日生幼事蔣度師性行方矢不輕然諾

國初兵革之餘歲旱饑疫淮邦惟甚時省治在維揚省臣避堂請師致禱雨足而疾已遂給驛數送于朝世祖以辭疾召見大都香殿令試以法愈復命祈雪心風皆奇驗賜寶冠法服降璽書大護其教佩印南還三茅山悉統隸之至元廿八年二月三日微示疾握固促召王君道孟授之經法謝別而逝壽五十六

黃曰上清之宗世以賢受景運肇新仙裔乃復噓和喻精  
保衛聖躬翼以星斗道之雷風

四十四代宗師養素通真明教真人姓王諱道孟字牧齋句  
容人方面豐頤容心壯厲年十四師事元符道士沈宗紹不  
飾偽而行益高不求譽而名愈出未四十人以先輩屬焉比  
嗣教朝京師蒙

恩數一如許先生大德戊戌歲饑兩至維揚駟蝗請雨大驗  
特賜号稱真人行業見翰林直學士元明善所撰華陽道院  
碑文至大辛亥請老而傳乃命入室弟子劉大彬嚴其教年  
七十有三薨于華陽實宗寶祐壬寅生人

黃曰養素以朴通真以誠內接玄同外佐昇平蜚螭伏歲  
年穀成遂少見其微已足名世  
四十五代宗師洞觀微妙玄應真人姓劉名大彬号玉虛子

吳郡錢唐人延祐四年得九老仙都君玉印有司聞于朝  
仁宗皇帝特旨還賜宗壇以傳道統

黃曰山岳昂藏湖海浩湯玄微備至植宗華陽承光紫闕  
敷貺朱方九老都君錫尔寶章



